



Indgået

26 FEB. 2018

Uunga
Inatsisartunut ilaasortaq Anton Frederiksen, Parti Naleraq

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Siusinaartumik suliunnaarnersiutit kiisalu sulinermi ajoquserneq pillugu aningaasanut taartisiat siusinaartumik suliunnaarnersiutisianiit ilanngaataasarneri pillugit § 37 naapertorlugu apeqqummut nr. 2018 – 21-mut akissut.

22-02-2018
Sags nr. 2018 - 5109
Akt. id. 7356656

Qujanaq apeqqutinut

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: iniaan@nanoq.gl
www.naalakkersuisut.gl

1. Inatsit suna tungavigalugu sulinermi ajoquserneq pissutigalugu aningaasat taartisiat siusinaartumik suliunnaarnersiutiniit ilanngaataasarpat?

Siusinaartumik pensionisiat pillugit Inatsisartut inatsisaanni nr. 40, 9. december 2015-imeersumi siusinaartumik suliunnaarnersiutit aalajangersarneqarput.

Siusinaartumik suliunnaarnersiutit pillugit aaqqissuusseqqinnermi siusinaartumik suliunnaarnersiutit siusinaartumik suliunnaarnersiutillip saniatigut isertitaqarnerani naatsorsuutigalugit appariartuaartitsinissamut killiliussat annertuumik allannguuteqartinneqarput. Tamanna pineqartup suliaqalernermigut, innuttaasoq pineqartoq ilaatigut sulisinnaassuseqaruni iluaqutissanik angusaqarsinnaanissaanut pissuteqarpoq. Peqatigitillugu isumaqarpoq, innuttaasut, soraarnerussutisiaqalernissaminnut ileqqaarsimasut, siusinnerusumut naleqqiullugu annikinnerujussuarmik ilanngaaffigineqartalernerat.

Pingaartumik akunnattumik appasissunillu siusinaartumik suliunnaarnersiutillit sulinermit imaluunniit nammineq soraarnerussutisianiit ileqqaakkanit saniatigut isertitalit appasinnerujussuarmik ilanngaavigineqartarput.

Siusinaartumik suliunnaarnersiutit siusinaartumik suliunnaarnersiutillip isertitai atuuttut naapertorlugit naatsorsorneqartarput, Procenti aaqqiissutissaq aamma maannakkorpiat aningaasarsiat pillugit Inatsisartut inatsisaat nr. 9, 1. juni 2017-imeersaq naapertorlugu. Isertitanut atuuttunut ilaapput isertitat akileraaruteqaataasussat tamarmik, matuma ataani aamma sulinermi ajoqusernermut ingerlaavartumik taarsiivigineqartarnerit, ataasiartumilli aningaasat pissarsiat akileraaruteqaataasussaangillat. Siusinaartumik suliunnaarnersiutit naatsorsorneqarnerannut sulinermi ajoqusernermut taarsiiviginninnerit isertitatut tungavivusutut ilaassanerannut, taamaasilluni apeqqutaapput, taakku ataasiartumik tunniussaansut imaluunniit ingerlaavartumik taarsiivigineqartarnerunersut. Qulaani taaneqartutut 2015-imi aaqqissuusseqqinnikkut appaasarneq siusinnerusumut sanilliullugu malunnartumik annikillineqarsimavoq.


2. Sulinermit atatillugu ajoqusernermi sillimmasiisarfimmiit taartisiat inummut ajoqusersimasumut aningaasatigut ajoqutaasussanngortinneqarsimappaat, imaluunniit iluaqutaasussaangaluarpaat?

Sulinermit ajoqusernermi taarsiiviginittarnerup siunertaraa innuttaasup pineqartup sulisinnaajunnaarneranut taamaasillunilu innuttaasup isertitassaraluinik annaasaanik taarsiiviginissaa. Taamaasilluni sulinermit ajoqusernermi taarsiivigininneq innuttaasup pilersuisinnaarneranut tunngavianut tapersiissaaq. Taamaasilluni sulinermit ajoqusernermi taarsiiviginittarnerit innuttaasumut, sulinermit ajoqusernermik eqqorneqartumut iluaqutissatut ersarissumik eqqarsaatigineqarput.

3. Sulinermit ajoqusernermut atatillugu taartisiat inummut aningaasatigut iluaqutaanissaat Naalakkersuisut qanoq isumaqarfigaat?

Apeqqut 2-mut akissummut innersuussisoqarpoq.

Inussiarnersumik inuulluaqqusillunga
Med venlig hilsen


Sara Olsvig